

武陵縣志卷二十七

古蹟

義陵

劉禹錫武陵書懷詩序按天官書武陵當翼軫之分其在春秋戰國皆楚地後為秦惠王所并置黔中郡漢興更名武陵東徙於今治所常林義陵記云初項籍殺義帝於郴武陵人曰天下憐楚而興今吾王何罪乃見殺毘民縞素哭於招屈亭高祖聞而義之故亦曰義陵今毘城東南亭舍其所也晉宋齊梁開皆分王子弟存於其書

臨沅故城

在縣西漢置縣隋改為武陵按統志沅水經平山即經臨沅縣然後歷枉渚臨沅故城當在今府城西或謂在府城東者非

沅南故城在縣西南七十里古城山後漢置隋并入武陵

采菱城在府西五里

張若城縣東秦白起伐楚黔中楚遣其將張若築此城以拒之

武陵縣志

卷二十七

司馬錯城

縣西秦使錯伐楚黔中與張若相對各築一壘以扼五溪咽喉賀奇曰府西無此城址獨府西南五十里有古城山又有古堤砌石為址又金雞堤亦有城址疑古司馬錯城當在諸處

金雞堤府西南四十里石砌宛然相傳為鼎城故址

索縣故城一名漢壽城俗名崆嶲城縣東北六十里

南城在善德山上

宋宣撫使韓宣以常德城守不固復築城於此以為犄角今名望城坡

社木寨在

縣東三里有鹿木光武所手植

善卷壇縣東十里即枉山孤峯頂

善卷先生避世於此隋刺史樊子蓋以名其壇為善德觀唐咸通間太守薛廷望重葺宋淳熙五年巽巖作記鐫碑後失所在紹興間李燾復建祠奉木主以祀後經兵燹繼流因塑真武像以鎮水口惟壇獨存李燾善卷先生祠堂記皇宋開禧改元歲在旃蒙赤奮若重陽日提刑兼府事建高蹈先生祠於常武之德山而為記曰日出而作日入而息逍遙於天地之間而心意自得吾何以天下為也此非莊周所載善卷對舜之言乎武陵

有善卷壇辰谿有善卷塚此非李吉甫元和魏志載善卷遊戲之所乎在隋則刺史樊子蓋慕善卷之德改此山為善德山名壇宇曰善德觀在我朝大中祥符則以詔加先生之封祀之政和則賜號通世高蹈先生淳熙五年則巽巖作善卷壇記今壇宇雖不存而碑碣尚無恙也亦有無名氏之詩曰山擁翠屏千疊秀澗拖輕練一條深堯時高士烟霞洞依舊丹爐鎖桂林劉禹錫詩曰先生見堯心相與去九有斯民既已治我得安林藪道為自然福名是無疆壽瑤壇在此山識者常迴首故踐先生之遺跡頌先生之高風貪者廉懦者激蓋自助華以迄於今日矣故先生之跡未嘗不昭揚而先生之祠宇乃有時乎廢興豈有數以存乎其閒邪雖然非數也蓋先生之道不可一日泯也善乎董仲舒之言曰堯舜德彰而身尊善卷德積而名顯善在是則堯舜之道在是堯舜之道在是則善卷之道亦在是人知善卷之善乃卷所得之道而非卷所得之姓斯可與登先生之堂証先生之道矣

浮圖在孤峯頂之東

郡人楊時芳倡建

沈約臺府西南五里沅水之南上有福光寺其側有邱古樟一株

### 武陵縣志

### 卷二十七

二

垂蔭數畝相傳為沈約讀書臺

劉禹錫武陵書懷詩沈約臺榭故李衡墟落存益指此

鬼磨石

在枉山東半里

采菱澗在府西五里白馬湖產菱甚美楚平王嘗采之築城於湖

畔又有采菱亭唐劉禹錫采菱行詩曰白馬湖平秋日光紫菱

如錦彩鴛鴦是也

三閭港

見山川

崇孝港府北六十里

相傳古孝子傳羅卜居此故名今街為崇孝街街東二里許地名傳子岡為孝子葬母處

石塋猶存土人呼為傳母墓

玉帶河府治西北一里

水白府學西北火星池流至縣學右出城外宋端平開太守龔穎篆秀水斗門四字

海蟾翁曰此武陵一條玉帶他年必應後待制張頡為張惇平辰蠻畫策充東南發運使畀以玉帶果驗其言四朝聞見錄高

宗以常德為孝宗潛邸先是常德有玉帶渠在城內本名承泰  
穿城拱初或以水出坤入於府城最利且避陵名更名秀水守  
臣龔穎篆以表之熙寧元年有異人號海蟾翁劉易者寓天慶  
觀謂所善魏道士曰此水郡之玉帶當有佩者應之未幾孝宗  
啟社又流虹繞電之地實曰秀州亦  
秀水之識按說與舊志小異而加詳

### 白鶴池在府治內

昔有人來朗州鬻墨索值笏一緡無售者一日  
以墨一笏授道旁貧者不索其值貧者歸開視  
之乃金也市人聞競奪之遂白於刺史李翱已而所得者皆士  
翱知其異因索其人惟遺芒鞋一隻翱拔之池化為白鶴而去  
乃闢地為亭扁之曰白鶴軒又傳武陵太守出行道中見有鶴  
草履者知其為異人也命市以歸將躡之為家人所止投之池  
化白鶴飛去因名曰白  
鶴池此與舊說小異

### 龍池在府學前

宋謝承為守時有黃龍見池中因名按今府治前  
有龍池巷蓋其遺蹟但謝承在三國吳時為武陵  
太守非宋時也而吳置龍陽縣又因  
有二黃龍見之瑞則此或其一與

### 火星池府學後

昔傳有火星墜其中都御史吳廷舉命官疏府學  
頽池之水從後入池過明月橋土地祠下通玉帶

## 武陵縣志

### 卷二十七

三



### 三雅洞在府西

昔有人鑿池得三銅器其下有銘曰伯雅仲雅季  
雅蓋漢末劉表製三雅酒器伯雅容七升仲雅容  
三升季雅容五升  
名其洞曰三雅

### 玉笋池府學東相傳宋人掘地得三玉笋因名

### 明月池府城天慶觀前俗稱放生池

### 學書池府東北九十里

晉高士伍朝別塾堂下朝少  
好學每臨池學書水為之黑

### 清白泉在府堂西北

郡守葉馨重甃建清泉廳臨之作記鐫石曰  
昔井有泉何以重修為在堂右溜水入焉日  
久苦鹹人且各井井實無  
咎也乃加淘汰爰祀井神

### 江信泉城西濠涵碧亭東舊傳脈通朗水每江水消長井之淺深

應之故名味亦甘冽

萊公泉在

縣北六十里

甘泉寺內宋寇來公準西遷日過武

泉經此回望北闕黯然而去後十年丁謂南遷亦過此汲飲題諸西楹曰謂之酌泉禮佛而去人皆嗤之瀉熙中張南軒書萊公泉三字令郡人榜於寺門此類苑說也鼎州記則云武陵縣北有甘泉寺行人多謁焉寇萊公往雷州凡題三十字曰庚申年秋九月平仲南行至甘泉院僧以詩版示予征途不暇吟咏代記年月後丁晉公謫朱崖過寺題云翠影疏疏度波光瑟瑟凝帝家金掌露仙府玉壺冰曉鉢侵星汲宵厨向月澄豈惟蠲肺渴灌頂助三乘此與前說不同但丁謂既擠萊公又效萊公得南軒三字之榜則賢奸消於一時美惡定於百世矣又姚定益萊公泉詩當年平仲曾經此路人陽山馬足高愛國一生心有血投荒萬里命如毛南邦瘴癘終臣節青瑣鷄鸞憶舊曹不許奸諛分一酌西楹題柱枉勞勞

丹砂井府北一百步泉赤如絳

考抱朴子云余祖鴻臚為臨沅令云此縣有民家世壽考後徙去子

孫多天他人居其故宅復累世壽考乃覺是宅所為試掘其井左右得古人所埋丹砂數十斛去井數尺皆丹砂汁因泉漸流入井是以飲其水而壽而武陵廖氏譜亦云廖平以丹砂二千斛置所居井中飲其水以祈延齡則抱朴之言信矣乃舊志又

武陵縣志

卷二十七

四

稱海蟾翁鍊丹處有仙人黃泰嘗以丹砂置井中病者取水服之輒愈因於井旁立者壽坊後又為府第又者壽坊內今有胭脂泉或即丹砂井遺蹟然在府治西南不得謂在府北一百步

絲瓜井天慶觀後之左縣學秀水斗門前

相傳井中有蟾每夜吐白氣一道直冲雲漢間

人不知其異獨劉海望而知之取其蟾仙去俗語劉海戲蟾即此

異泉井在戟門東滌牲池西

明成化八年秋同知李泰承祀事泉忽湧出人以為異因鑿井構亭覆之

今亭圯而井猶存其味甘冽可飲

崔婆仙井縣西二十里平山下

即卓刀泉後有崔婆廟今廢

青蓮社在德山佛廬左

郡人龍膺嘗攜酒飲袁中郎於此

都尉城在縣西

梁置武州於武陵又別置都尉領六縣

春申君府第在府南今開元寺趾

齊武陵王府在城內今失其處

王融謝弓啟曰殿下摘藻惠樓暢藝蘭苑敷績王於風筵登連珠於

月窟免園掩秀菊水慙奇融揖讓未工濫升飲之賞操孤反矢奉招賢之錫文韜鏤景逸幹稍雲玩溢百齡佩流千載

梁武陵王府在城內今失其處

劉孝儀謝賜第表曰竊以南望朱鳥北距蒼龍右帶御溝左迴青路

異晏嬰之湫隘同潘岳之閒居臣幼自宮掖長遊城府雖輪奐之美多門而館第之私未暇今輕舟將近高門遽錫遂葺家築室百堵皆興雲屋連薨一朝宏敞

五代周行逢西府在郡城內相傳即今府治

宋普安郡王府即常德軍節度使第後為總兵署

明榮王府府治西北一里榮府在常德府西北宏治十一年欽命工部郎中陳珂建國即總鎮舊闢而營

拓之正德四年復命郎中張謐再加修飾又節因宮殿災差郎中林通等行撫按官重修門曰承運曰端禮左曰體仁右曰遵義後曰廣智殿曰承運曰存心曰圓官曰內宗廟在宮之左社稷山川風雲雷雨等壇並列如制在內供奉世子府體仁門內

### 武陵縣志

### 卷二十七

五

其王官以司名者曰長史府西明月橋畔曰承奉遵義門內曰儀衛府東以所名者曰審理曰紀善俱府東曰典儀典寶俱府前曰典膳府東曰良醫曰奉祀曰羣牧俱府西曰工正府東庫曰廣益倉曰廣益俱府內按今火藥局舊傳為明時榮府內殿及石祿諸遺蹟

### 武陵草堂

舊志謂不知建始何人唐楊浚有五言古詩一首草堂列仙樓上在青山頂戶外窺數峯階前對雙井雨來花

盡濕風度松初冷登棧行不疲入溪語彌靜未能去塵埃兼欲事金鼎正直心所存諂諛長自省適知幽循趣已覺煩慮屏更愛野雲閑吾將臥南嶺

### 教子堂在縣治內

宋唐介作尉時建以教子者韓琦作記蔡襄為書

### 世寶堂郡人太常卿楊禔建多藏古冊墨跡以遺子孫

### 九芝堂在大西門內

明天啟辛酉歲武陵龍氏祠堂產芝九本龍氏自宏治甲子九科內科第不絕遂顏其堂曰九芝龍君御谿園六記序云西第九芝堂花石奇秀華棖曲榭亦稱君子之居

晚蓋堂縣東北六十里在鷹湖上

夕堂在府學東賀奇建

永思堂在今縣堂內

知縣楊鵬翽建以寓思親之意因額堂曰永思附龔大萬題永思圖詩沅浦來何暮關中

事可傳祥聞徵大烏痛更感啼鵲逸矣趨庭日懷我暇政年忍

歌華萼什欲廢蓼莪篇羣鴛嗟凋影雙雛喜並肩北征齊賦足

西上寄鸞箋香杏蘭州道迢迢楚塞邊板輿音寂爾象服想依

然式寫圖成入追思恨有千六書學乳貫眾體鳳鸞翩筆正心

從正文全道亦全紡車猶軋軋誦榻競拳拳藎粥晨餐熟篝燈

夜火燃衣傷男子曳線苦北堂牽臂學資勤績如寒耐重綿午

春勞格磔蚤課費鑽研棟樑陳言盡晶瑩妙緒鮮神駒藏渥水

粹壁孕藍田奕奕王家瑞哀哀母氏賢記隨尊身後得侍叔翁

前伯道愁無嗣興宗儼獨延扶持欣力竭絛髓懼儀愆亦抱童

孫弱甯舖少子偏胎同恆水育種類魯山緣季弟蜚鴻藻髫齡

會列仙孝烏翔醴郭慈竹蔭湘川封鮮長途戒遺金暮夜捐豐

碑衡麓勒輕筍渭陽旋紫誥榮華髮斑衣燦錦筵錫館子舍

遍棗栗里門闌至樂偕三陸長悲到九泉春暉空楮墨手澤悵

杯捲官近曾經地人號罔極天畫因循吏重詩倩史臣編憶我

### 武陵縣志

#### 卷二十七

六

新鳴鹿難昆舊夢鱣何期子羽邑又聽不齊絃洞口花應笑江

吟餘觸深惻

風雨照離船

清陵館縣治南

漢李陵為臨沅令邑人思之立清陵館

東壁館在縣治東二十餘步

明天啟間知縣鄒毓祚為課士建

水星樓府城內東湖旁

為鎮火災建今移神鼎門東城上

南熏樓

明洪武七年咏歸亭圯乃於石櫃建樓以補其缺額曰南熏樓永樂十五年知府應履平重葺

勅書樓在府治西春官學士陳春宇建

鼎文閣在府學前即南薰樓舊址

調元閣在臨沅門樓下

明崇禎三年知府鄭時舉撤去府前鼓樓壘石為基建此扁曰調元樓

高賢閣府城西南二聖寺之左

明王守仁謫龍場驛時過武陵與郡人蔣信冀元亨講學於此

潮音閣即寓賢閣在二聖寺左

雙鶴軒在故縣東

知縣應能建

敬一亭在文廟東內藏四箴碑並御製碑文

觀瀾朝宗二亭在頰門左右今圯

咏歸亭在府學前石櫃上

元延祐六年達魯花赤哈喇築高二丈餘建此亭今廢

楚望亭在枉山

後移建善卷壇西

臨晚亭仰止亭在善卷壇上後圯

宋末郡人袁申儒重建亭於善卷壇左仍匾楚望又即壇前臨

江迥崖別為亭名臨晚又於壇右復構亭名仰止後俱圯

善卷亭在孤峯頂善德觀前

子胥亭在漢壽城

傳子胥伐楚時建或曰漢人修城時建按劉禹錫漢壽城春望詩自注古荊州刺史泊亭下有

武陵縣志

卷二十七

七

子胥廟

乾坤清氣亭陳潛壑建

雙松亭縣北八十里文殊山上應天禪寺之後

附黃庭堅詩文殊堂下松永日如鳴

琴我登雙松亭言步雙松陰中有寂真人安禪無古今

思樂亭在善德山上郎中陳珂建

心遠亭府西門外南察院後

樂止亭來月亭俱缺考

靜芳亭缺考

按陳洪謨以老乞休歸築高吾書院著有靜芳亭集四庫書目提要亦云築室高吾山中所著有靜芳稿

稿則靜芳之亭當在今河坎平鹿二山間

伍朝宅在府治東

宋柳拱辰宅在縣西二里即今所

屈原巷舊志謂在東門外南通大江北抵東門大街旁有屈原廟

即三閭祠廟前有招屈亭因屈原以五月五日投江郡人哀之

每於是日競渡以弔並立此亭以招之蓋取楚辭招魂之遺意

附唐寶常謁三閭祠詩君非三諫瘠禮許一身逃自樹終天賦何裨事主勞眾魚應餌骨多土盡舖糟有客椒漿奠文哀不繼騷又唐崔塗屈屈原廟詩護勝禍難防沉魂信可傷本圖安楚國不是怨懷王廟古碑無字洲晴蕙有香獨醒人尙少誰與奠椒漿

開元寺在府前唐郭湜高力士傳高力士流巫州以寶應元年終於朗州開元寺

樂令園齊樂藹為武陵令治園植桃李去後百姓思之不忍剪伐

因名樂令園按藹本傳未嘗為武陵令但遷龍陽相時齊豫章王嶷為武陵太守雅善藹為政而後人因而訛傳

武陵縣志 卷二十七

之歟

桃花園在府治西元都觀內舊傳唐時有道士植桃滿觀劉禹錫

為朗州司馬賦元都觀看花詩故名楊文斗曰禹錫集云元和十一年自朗州召

至京戲贈看花諸君子及再遊元都觀詩序余貞元二十一年為屯田員外郎時此觀未有花是歲去牧連州尋貶朗州司馬居十年召至京師人人皆言有道士植桃滿觀如紅霞遂自前篇以志一時之盛云云則元都觀自在長安而武陵元都觀為傳會也

瀨園縣東十里在柳葉湖邊太常龍膺建太常記初治瀨園掘地得古鑑色綠如瓜背誌

四字曰千秋福祿子築閣以居而藏厥鑑因取千秋命閣

帶經園陳長鎮築 芷蘭園陳惠鈞築

歸老橋在采菱澗上宋柳拱辰掛冠於此故又名拱辰橋曾鞏為作



歸老橋記

武陵柳侯圖其青陵之居屬子而叙以書曰武陵之

歸老橋記 西北有湖屬於陽山者白馬湖也陽山之西南有田  
屬於湖上者吾之先人青陵之田也吾築廬於是而將老焉青  
陵之西二百步有泉出於兩岸之間而東注於湖者曰采菱之  
澗吾為橋於上而屋以覆之武陵之往來有事於吾廬者與吾  
異日得老而歸皆出於此也故題之曰歸老之橋維吾先人遺  
吾此土者宅有桑麻田有秫稌而渚有蒲蓮弋於高而追鳧雁  
之下上緝於深而遂鱸鮪之濟泳吾所以衣食其力而無愧於  
心也息有喬木之繁陰藉有豐草之幽香登山而凌雲覽天地  
之奇變弄泉而乘月謝氛埃之溷濁此吾所以處其怠倦而樂  
於自遂也吾少而安焉及壯而從事於四方累於萬物之自外  
至者未嘗不思休於此也今又獲位於朝而榮於寵祿以為觀  
遊於此而吾亦將老矣得無志於歸哉又曰世之老於官者或  
不樂於歸幸而有樂之者或無以為歸今吾有是以成吾樂也  
其為我記之使吾後之人有考以承吾志也余以謂先王之養  
老者備矣士大夫之致其位者曰不敢煩以政蓋尊之也而士  
亦皆明於進退之節無戀祿之人可謂兩得之也後世養老之  
具既不備士大夫之老於位者或擴而去之也然士猶有冒而  
而不知止者可謂兩失之也今柳侯年六十齒髮未衰方為天  
子致其材力以惠養元元之時雖欲遺章絳之榮從湖山之樂

武陵縣志

卷二十七

余固知未能遂其好也然其志於退也如此聞其風者亦可以興起矣乃為之記

康樂樓暨天真樓皆柳氏所築

蘇轍有題柳氏康樂樓詩使君欲

滿前收蠟屐漪漣極目老漁簑安心已得安身法樂藉轍有題

天真堂詩 官遊湖盡山川勝歸老方知氣味真歌笑不移身自

此人于載展禽風未改不加雕琢世稱珍。按曾南豐橋記不

言柳侯名字蘇子由寄題二詩亦不言柳氏名字惟黃山谷書

筠州學記後言柳侯名平字子儀武陵人於是為左朝請郎或

因疑平既與山谷往來則蘇所言柳氏曾所言柳侯皆為子儀

而橋記所稱先人乃為拱辰考一統志柳拱辰其先青州人避

地荆楚為武陵人年六十即有掛冠之志創亭於青陵館名橋

曰歸老曾鞏為之記備考亦言柳拱辰青州人五季時避地武  
陵稍易春秋宋舉進士通判岳州有惠政後致仕有歸老橋姓  
諧則言柳平字子儀武陵人元祐中知江西筠州政尚清簡漸  
以無訟百姓悅之常德舊志政行紀亦同此說而其為拱辰子  
則未言至科名紀乃云柳拱辰青州人五季時避地荆楚遂為  
武陵人其弟應辰子平猷相繼登進士抑不知平猷為兩人與

或一人與如以爲一人則與姓譜政行紀及山谷說皆不符以  
今揆之曾蘇黃之說皆確言目前事自屬可信姓譜亦依山谷  
爲說非有詭舛獨統志備攷及舊志科名紀之言則未可盡信  
其可信者惟橋記之爲拱辰作而已何以言之彼謂拱辰爲青  
州人五季避亂遂爲武陵人試思自宋興至仁宗時已六十四  
年南豐舉進士又在仁宗嘉德二年距宋興已九十八年其作  
橋記蓋又在其後如拱辰果爲五季避亂而至武陵之人則其  
時不已百有三四十歲乎記何以言今柳侯年六十也蓋拱辰  
先世爲青州人避亂而居武陵青陵村至拱辰生時則居已久  
矣故記言先人遺吾此土也作統志者立言不明遂至滋疑若  
言拱辰其先世爲青州人避地荆楚爲武陵人拱辰年六十卽  
有掛冠之志則更何疑是橋記之柳侯可定爲拱辰若以柳平  
當之則平守筠州在元祐八年山谷道院賦可據南豐於元豐  
五年爲中書舍人未幾卽卒至元祐八年中間相距十一年其  
時南豐已歿安得復爲作記乎故曰曾記爲拱辰作也若子由  
所題詩則實爲子儀作無疑康樂樓詩云千里筠陽猶靜治非  
謂平曾守筠州乎天真堂詩曰永懷前輩無因見謂拱辰已歿  
也猶喜諸郎有此人則謂子儀也如指拱辰言則子由行輩不  
得先於拱辰豈宜如此立言故曰蘇詩爲子儀作也  
至平猷之名蓋舊志之誤據山谷之言定之可矣

武陵縣志

卷二十七

十

涵碧亭在小西門外

北亭在縣北

唐郡守竇常建劉禹錫有北亭記